

順昌縣志


42

42

310.125

42

310.125



順昌縣志

順昌縣志

中華民國二十五年
歲次丙子春月重修

重修順昌縣志序

國之有史邑之有志由來久矣讀國史而詳時代之盛衰覽邑乘而知風俗之文野其義一也順邑古揚州地設縣始於後唐典章文物紀載邑乘彰彰可考唯自前清道光十二年修訂之後迄今近百年矣其間屢議重修均未著手祇從舊本翻印而已民國成立省設通志局檄各屬修纂邑志順昌由邑紳 高魚門先生任總纂迨 魚門先生作古而吳杏甫廖省吾先生繼之均未告歲事先後逝世 先龍 於民國二十二年冬權攝順篆冀覘文化搜索舊志竟不可得正與邑紳陳席珍先生教育會吳幹事如淵教育科葉科長界閩倡議興修適葉科長界閩承 高少航廳長之命在省聘訂總纂所有近年來地方治亂事狀及節義姓氏應重加採訪回順商訂於余余曰嘻邑志之議修迄今垂二十年卒因人事之變遷未能竣事今 少航廳長繼 魚門先生之志慨任仔肩余忝膺茲土敢不

順昌縣志

序

一

負責遂與教育會吳幹事商聘各區採訪人員重探事實並捐俸爲倡用備黎棗之資越八閱月全書告成竊慰私衷因爲之序

權縣長事合肥潘先龍

重修順昌縣志序

甚矣事之興舉有待于時尤有待于人也順志自遜清道咸以來議修凡三次而皆未果民國成立設局定總分纂歷五寒暑而又中輟今民政廳廳長邑紳高公少航以乙亥倡修迄丙子仲春八閱月而書成凡所徵采必詳且要視舊志約倍增焉予以丙子十月奉命蒞茲土平日嘗躋朱晦翁蒞官之地必先修志之言章實齋州縣宜立志科之議時事倥傯方愧未能躬踐今竟坐觀厥成斯不獨爲斯邑文獻慶其有徵更願資爲治鑑與後之君子互有觀感益果于惜時趨事也然則是書之成所關抑豈尠哉是爲序

權縣長事長樂李世賡謹識

順昌縣志

序

一

重修順昌縣志序

順志失修已百有餘載矣昔先君子嘗集鄉前輩倡議續修卒以兵燹之後財殫力瘁僅覓原本鋟板以待即今所存道光壬辰舊志是也民國初年大府有重修福建通志之舉維時吾邑亦曾設局推先兄魚門爲總纂事幾成矣不幸先兄棄世因又中輟稿亦隨毀於寇去夏余忝縮閩省民政方召集各縣志書以資考鏡顧本邑自道咸以後百有餘年間典章制度興革損益紀載闕如於心殊耿耿因就省敦聘劉龍生先生專任編纂並由邑侯潘君先龍遴選在邑諸紳分任採訪自乙亥孟秋迄丙子仲春八閱月全書告成余受而讀之繹其義例蓋區分圖志表傳四體卽土地人民政事三大部而別爲二十有二門門各繫若干目將舊志所缺者補之繁者刪之訛誤者訂正之湮沒者表章之關於本邑文獻尤孜孜搜載靡遺以視舊本約增一倍之多是向之議修惟恐無成者今

順昌縣志

序

竟有成矣抑吾嘗聞子朱子之言蒞官之地必先修志是修志邑侯事也倘闕而弗備民情風土先無所考徵卽欲興利除弊恐措施亦不能悉當乃今之司牧者旣勞於簿書錢穀之繁復顧及征權考成之重而又遷調靡常久任者鮮視官幾同傳舍自無暇議及記載之書此固事勢所無如何者也夫方志爲國史要刪設歷久不修文獻無徵卽無以供史官之採擇所繫豈獨在一邑之大必思有法以處此善夫章實齋之議曰州縣之志不可取辨於一時平日當於諸典吏中特立志科僉典吏之稍明於文法者以充其選而且立爲成法俾如法以記載略如案牘之公式焉則無妄作聰明之弊矣積數十年之久則訪能文學而通史裁者筆削以爲成書所謂待其人而後行也如是又積而又修之於事不勞而功效已爲文史之儒所不能及所謂政法亦存三代文章之遺制也設良有司做其法而行之何至始則因繁難而自阻終則致久遠而莫稽遂使方志一書竟

視爲可有可無之數豈非大痛心之故也哉茲特表而出之以質當世關心民瘼之君子

中華民國二十五年丙子春二月邑人高登艇謹序

順昌縣志

序

二

重修順昌縣志序

余杜門謝客不問世事久矣乙亥孟秋今 省府長民政高君少航忽以書來聘修順昌縣志既又在駕敦促且曰斯事繁重非余莫屬余以高君尊甫西航先生曾入福建通志孝義傳迹其生平見義勇爲每遇邑有善舉輒肩任不倦惟恐後人今高君縮民政百爲待理日昃不遑猶能繼承先志深以邑志不修爲憾因不欲固辭竊維方志爲國史要刪凡土地人民政事珥筆所及動關典要倘疎而弗備冗而弗精誕而弗信奚所取裁順志失修已百有餘載且經咸豐戊午髮逆屠城典籍散失文獻無徵卽所存道光舊志體例不一亦書缺有閒病不能詳夫順昌介西江東廣之衝爲延屬望邑山川秀麗篤生高峯槎溪兩先生前後羽翼龜山紫陽振興儒教元明以降亦代不乏人若任其湮沒不彰何足表前徽而勵後起余旣承乏茲役不惜竭炳燭餘光旁搜載籍凡有關文獻者悉錄出以資

順昌縣志

序

採輯卽零文隻字足爲佐證者亦吉光片羽視之至晚近興革損益則根諸邑紳採訪所錄依序編入約八閱月成書二十有八卷雖不敢謂無遺無濫然於徵典貴真隸事實之意未嘗不兢兢焉慨順志自道咸以後庚辰辛己癸未凡三次議修而卒不果鼎革後且局宇宏開矣總分纂亦羅致有人矣乃五易寒暑復以時局倏擾人事變遷稿未脫而中輟蓋若斯之難也今余以衰朽之年幸得蒞事或亦冥冥中不欲使一邑之典章文物歷久廢墜宰斯土者無所考鏡以取法生斯土者無所觀感而興起一髮千鈞之繫有以默相之不至終於無傳也然則後之人當思成事之不易及時而續修無負高君提倡之盛意尤不佞所厚望也夫

中華民國二十五年丙子仲春古閩劉敬撰時年七十有二

是書成首捐俸任刊版者 縣長潘君先龍也任採訪者邑紳黃君
陳福吳君鳳翹盧君永貴蔡君偉均張君興祿高君金龍陳君克厚
徐君建侯王君世模也總其事者吳君爵深也始愆慮者葉君樹榕
吳君聯棟也亦皆邑紳也又識

順昌縣志

序

二

此次重修邑志於廿四年冬全部竣稿中因手民展轉誤時閱兩寒暑始印成帙又邑志修自遜清道光十三年歷百有餘載光緒中葉雖重付棗梨而一仍其舊閱時既久更變尤多致今之任採訪者感文獻之難徵慮闕遺之不免補綴之責宜俟將來抑更有言者廿五年夏 大府劃建甌之上洋區改隸吾邑設一特種區因修纂已成未及增編僅于輿圖中加入以待後之作者併識于此志憾事亦備忘也

邑人高登艇跋

順昌縣志

跋

一

順昌縣志凡例

順昌縣志重修於清道光壬辰迄今百有餘年其間經迭次議修皆不果而所存道光舊志又多前後混淆闕而弗備茲編另立體例更搜羅載籍摭摭舊聞全書計分二十有二門爲目百四十有一

順昌改縣攷淳熙三山志係後唐長興四年舊志疆域沿革表誤入唐格又攷入閩通志以縣境褊小割劍浦之交溪鄉以益之係宋熙甯三年沿革表又誤入元格今併改正

志書莫重於圖說蓋圖以說詳說以圖顯互著之義也舊志僅照古式繪圖並無里數可考未免簡略今依民國十七年實測福建省全圖參以教育部審定中華最新形勢圖準經緯度開方計里詳繪一圖加以說明以便觀覽其餘各圖併附於後

舊志 聖廟不入祠祀入學校意在尊崇 先師當也竊謂際茲 聖教

順昌縣志

凡例

陵夷禮樂廢墜之日凡屬典章制度尤應誌載加詳以資觀感茲編於臚列從祀諸賢之外並及歷代崇祀本末義各有取李元仲甯化志已開於先非創例也

表之爲體縱橫以分經緯蓋有同經異緯參差不齊非尋常行墨所能清晰者必藉表以明之上自史漢下逮方志無不皆然舊志職官選舉祇有題名殊非古法茲編皆改作表悉按年代比類而書其無年代可考者仍依序列名以便省覽惟中有子目簡單無煩藉表以明者則從舊志題名於後

凡官斯土有政績可徵者謂之名宦舊志竟將入祀名宦祠之清總督范承謨巡撫李斯義提學沈涵布政金培生分巡延建邵道黃道行五人與本邑職官錢嘉倫並入名宦傳殊失體裁今依乾隆府志舊例將范承謨等五人謹載於本志名宦祠中用識不忘名宦傳則專載本邑職

官以免主客相混又宋吳逵係本邑職官舊志名宦有傳而職官又無名今併補入

名宦有傳即因其有政績而傳之也舊志於名宦之外復增宦蹟一目於義無取今刪去統稱名宦以免複雜

凡志選舉最重年代科分按舊志宋代選舉自丁巳至壬午係紹興皆誤作乾道自戊子至辛卯係乾道又誤作淳熙府志不察亦以誤傳誤今悉依紀元編改正又攷明羅璟重建儒學記云順昌在宋祥符乾道間由鄉薦者百二十有九人今按舊志選舉所列自靖康丙午迄乾道辛卯宋鄉舉僅九十七人靖康以上尙有三十二人府縣志均缺不載茲得補列者二十有五人惟無科分可考餘七人無從補列應俟續考

一代設官取士典章所繫考究不厭求詳舊志於職官僅載官名不及官制於選舉又略前代祇詳本朝未免美猶有憾茲編則依高氏志例於

順昌縣志

凡例

二

遺者增之缺者補之俾源流沿革展卷瞭然誰謂通制無關一邑可置不問也

舊志人物祇有列傳並未分門意在慎重惟考之省志府志順邑人物有數百年前已入儒林文苑忠烈孝義循吏各門專傳者後之從事重修若仍統歸列傳於義何取茲編於省府志已有專傳者則依類分之府志

孝友義行分列兩目然按其事實多孝而兼義今依省志合併爲一稱爲孝義

其無專傳及新增按其事實不得遽

分者統歸列傳庶於慎重之中寓鑒別之意至舊志以人物標目亦非古義鄭樵通志何嘗冠以人物之稱今則刪去概稱列傳亦遠遵史法近依志例非好爲紛更也

舊志將古蹟名勝祥異宅墓統歸拾遺志殊嫌未當祥異亦大事不得爲拾遺卽古蹟名勝宅墓彰彰在人耳目亦不應爲拾遺今將祥異附兵事志古蹟列名勝志宅墓附焉例應如此非故異也

舊志又將祠廟寺觀隱逸方技僑寓仙釋並列於方外志亦嫌不倫攷方外二字本於莊子今謂僧道曰方外仙釋或近之與隱逸方技無涉與祠廟寺觀更無涉今將隱逸方技入列傳僑寓附焉祠廟附祠祀志寺觀列名勝志以類相從亦非故異也

國之大事在祀與戎局頒志例兵事稱大事固也然祠祀又另志義亦未安順昌自咸同以來迭受匪禍皆武備不修所致征撫更不足言茲編亦不從舊志稱武備志直稱兵事志以祥異附之

班史藝文志僅載篇目近代志書多類輯詩文記序直如文選殊非志體今依章氏志例將原有詩文及新搜集者分附於各門本事本人之下無可附者不忍割棄另編文徵附於志後於藝文志獨存書目加以提要更於舊志所遺者補之所無者增之庶文選志乘義例各別免貽蕪雜之譏

順昌縣志

凡例

三

舊志每門必冠小序然分門別類義取大同無須複述故逕刪不用其別有說者則於卷末加按語或子目下以小字注明之近代嘉興縣志閩侯縣志已有先例今從之

舊志徵引簡籍均不載書名殊失徵典貴真隸事實之意今依舊志例悉注書名於下中有本於舊志無從考出書名者但注舊志二字其由採訪所得者則直書據採訪冊以免相混

前志紀載頗費搜尋檢對之力茲將舊志卷帙目錄作者姓氏錄入藝文志又將全書子目並歷來重修重刊之舊序統附卷末庶使閱者知淵源有自亦以寓表揚之意云爾

順志失修已久其間又迭遭兵燹名人載籍散失殆盡殊有文獻無徵之憾茲始從事編輯實較他邑爲難况期間既迫採訪又不能詳恐難免遺佚補缺訂訛應俟後之君子

志書版式全書頂格意取古雅今依通行志書版式每項第二行均低一格但取便於緜閱醒目意各有在閱者諒之

順昌縣志

凡例

四

順昌縣志目錄

卷首

圖說

方域圖 縣治圖 學校圖 文廟圖 武廟圖

卷一

方域志

沿革 疆界 歷代疆域沿革表 形勢
星野 經緯度 氣候 太陽出入時刻表

卷二

山川志

山 峯 巖 嶺 洞 泉 石 谷 湖
潭 澗 洲 池 溪 灘

卷三

城市志

城池 坊 巷 街 市 墟 鄉都圖附

卷四

名勝志

古蹟 名區 寺 菴 宅 墓

卷五

順昌縣志

目錄

一

水利志

陂 渠 井 橋 渡

卷六

物產志

穀類 蔬類 果類 藥類 木類 竹類
花類 草類 畜類 毛類 羽類 鱗類
介類 蟲類 貨類

卷七

戶口志

明戶口數 清戶口數 民國戶口數
耆壽附

卷八

賦稅志

明賦稅 清賦稅 經費 鹽政 民國田賦 雜稅
經費 十三庄附

卷九

惠政志

倉儲 普濟堂 養濟院 惠民藥局 育嬰堂
義塚 歷代捐賑

卷十

建設志

衙署 公所 驛站 郵電 坊表

卷十一

學校志

儒學 文廟 歷代崇祀紀要 釋奠禮 釋菜禮
學田 書院 社學 射圃 新學校一覽表

卷十二

祠祀志

秩祀 叢祠附

卷十三

禮俗志

風尚 歲時 近年習尚 冠婚喪葬祭

卷十四

兵事志

歷代兵制 關隘 歷代兵事 祥異附

卷十五

職官表

明以前職官表 明職官表 清職官表
清武秩職官表 民國職官表 民國駐防軍
隊 警備隊 附教育會商會農會工會各會
長 郵政局長

卷十六

順昌縣志

目錄

二

名宦傳

卷十七

選舉表

歷代選舉表 歷代薦辟 清孝廉方正 清諮議
局議員 民國衆議院省議會議員 各學校畢
業生 歷代封贈 歷代廕襲 明年勞清
績軍功 職銜 民國褒揚鄉飲 援例附 勞

卷十八

列傳

卷十九

列傳

忠烈 名臣 儒林 文苑 循吏

卷二十

列傳

孝義 隱逸 藝術 方外 僑寓

卷二十一

列女

貞烈

卷二十二

列女 節孝

卷二十三

藝文志

卷二十四

雜錄 舊序 舊志子目並纂修姓氏

後附文徵四卷

順昌縣志

目錄

三

